

Jubbannde Pinal Pulaagu

Jeewtoowo

YERO DOORO JALLO



Yeewtanteebe

Waalde (Fedde) Tabital Pulaagu Mali

Moderateer

Seek Haamiidu Kan

ÑANDE 25 Feebaryee haa 1 Marse 1998.

JUBBANDE E PINAL

Musidbe am teddube: taariikyanke anndube demdiyanke eentrepoolog en heewbe ina kawri e wi'de, Fulfulde ko e dembe burde booyde jeyaa. Sabu e ngal haalee gila 8000, ko adii jibineede lisaa.

Maniton taariikyanke mawdo to Misira, booydo o haalii ko heewi e taariik ngol doo leñol bi'eteengol Ful, garngal e Ejipte gila 6000 ko adii jibineede lisaa. Ngal woni doon haa 4000, ngol ferani hirnaange Misira, ngol abbii e mutirde naange.

Dembe keewde, de ngol doo leñol yiyyunoo maayii nattii haaleede yeru: Hirogilool Ejipte e demngal geey to Ecoppi, ngaal jibini amhariña, tigiriiniyaa, tigiraayorommoo e demngal Soomaali.

Saljamaan ganndo demdiyanke mawdo to Angeleteer, gila 1940. O teentirii booygol ngal do demngal Fulfulde, o wi' e jiide makko, dembe bantustaan de njalti ko e Fulfulde, wolla de njalti ko e jaltungal e Fulfulde...

Musidbe am teddube; ngol doo leñol ngol kaalaten doo, demngal maggol ko 23 e nder dembe winndere ndee, de limoore mum'en ina tolnoo e 3013 demngal. E ngal ardii 2990 demngal, kanngal buri de heewde haaloobe.

– Ngal doo demngal, ko gootal e dembe 4 Afrikiyankee burde mawnude.

– Ko kanngal ɓuri saraade e nder hirnaange afrik. Fulfulde ina haalee e nder leyde 18.

Heen leyde 11 (Muritani, Mali, Senegaal, Gine Konakiri, Gine Bisaaw, Gammbi, Burkina Fasoo, Bennee, Nijeer, Kameruun Nijeeriyaa), ko ngal demngal renndoyankeeewal hono langue communautaire.

So tawii ko do ngal teskaa, ko ngal demngal leñol familiyaal. Ko e nder leyde 7 hono Seraliyoon, Togoo, Caad, Santar Afrik, Sudaan, Gana e Koduwaar.

Naamnal men ko hol no mbaɗeten haa ɓiɗɓe leñol ngol njiitondira?

Leñol men ina jogii semmbeeji jeedidi mawɗi, potɗi anndeede e huutoraade e nder politik leñol.

1) Keewal ɓiɗɓe leñol ngol, so ɓiɗɓe maggol, njiitondirii
Hol no mbaɗaten haa ɓe njiitondira?

2) Yaajde ɓe hoɗannde, so tawii ɓe njokkondirii?
Hol no mbaɗaten haa ɓe njokkondira?

3) Mawnude ɓe pellital, so tawii ɓe ngoonɗinii huunde.
Hol no mbaɗaten haa ɓe ngoonɗina ɓamtude leñol ngol?

4) Mawnude ɓe hakeellaaji, so tawii ɗi ngollinaama?
Hol no mbaɗaten haa gooto kala gollina hakeille mum e ko ɓamtata leñol ngol?

5) Moyɣude demngal, so tawii ngal gollaama.

Holi peeje mbaɗaten haa ngal gollee no haaniri nii?

6) Ñeeɲɣude pine leñol ngol, so tawii de mbiɗtaama de njaltinaama e nder winndere ndee. Hol no mbaɗaten haa njaltinen pine men dee?

7) Yaajde endam, so tawii dendiraagal huutoraama, sappo e jeegom leñol nani e Afrik ko dendiraabe men.

8) Coktirgal entegaraasiyon Afrik woni ko e juude men. Hol no kuutortooden ngal doo dendiraagal?

Yoga e sifaaji jikkuuji Fulɓe

Musidɓe tedduɓe, taariikyaŋkoobe renndoyaŋkoobe e leyɣiyaŋkoobe, hono yahruɓe ganndal leyɣi ina kawri e dow dii doo sifaaji laaɓtudi, di ɓe cifii e ngol doo leñol Fulɓe.

Ɓe mbiyi; Fulɓe ko yimɓe yamɗuɓe, yawniibe koltu, ɓe kollirtaa ko njogii, ɣoyɓe, deyɣuɓe, deeyɓe, heewɓe gacce, haaloobe ina njippa gite, lesɗuɓe sawtuuji, kono ko ɓe teskotoobe, yuumtuɓe hakkillaaɗi, luggidɓe miiɗooɗi. Ko ɓe leyɣii, ɓe paaytataa, ko ɓe eji, ɓe njejjittaa. Tee so yontaani haaleede, ɓe kaalataa ko ɓe njiino walla ko ɓe nannoo ko.

Ko ɓe naamnikintoobe ko ɓe nganndi, majjinkintoobe ko majjaani. Waawɓe hedanaade kaaloowo, ɓe kaabataa... Kono ebe kedoo haala ma, ebe njannga yeeso ma haa ɓe

paama jikku ma. So a joofnii konngol maa, kala ko be cifii e jikku maa firtotaako, tee a waawaa yoyde haa nganndaa be ngoni ko e janngude ma. Ete be kollataama wonde be paamii jikku ma.

Peeje

To bannge peeje noon, Fulbe ko yimbe heewbe peeje, mettube fewjande, sadtube naatnude e gedde. Sabu be ndogantaa ko hesdi, be naatataa e ko be nganndaa. So a hollii be damal naatirgal, so be nji'aani jaltirgal be naatataa.

Kala ko joli e yonta be ndaardata dum ko yitere reentaade, haa be ngannda ko dum yahata. So neddo addii e mabbe ko hesdi, ko be paamaani, be calotaako, kono be ngodfintaako heen, haa ñande be paami ko dum yahata.

Ko duum wadi so batu Fulbe fuddoriima e peeje, ngu feewataa, so be ngarii e batu hee ne, be kaalataa, sabu be paamaani ko woni faandaare dowbe miijo batu nguu.

Mbele ko been njogori haalde e batu hee koo, ko duum woni faandaare mabbe goonga e goonga? Wolla won ko be cakki les ko jiidaa e duum?

Be mbiyi; (so haala ñawii, yoo nande cellu). Ko duum wadi so be ngarii e hono dii doo batuuji ne, be kaalataa; dokkaado konngol fof saloo haalde, bennina ngol faade e jontaado goddo, oon ne bennina faade e jontaado goddo haa be kawra, tawa alaa heen jabdo haalde... haa konngol ngol arta e mawdo jonnde, oon ne faamii wonde hadi be haalde ko be mbeltaaki e batu hee walla be paamaani ko ngu yahata, be totta ñeeño mabbe konngol yoo jaabo

noddube batu bee. So oon yettii konngol salminii, o adotoo wiyde fof ko.

Onon kaari en! E min nganndi ko on yimbe mawbe, so on ngarii e nokku, odon poti teddineede. Nganndon batu noddu don nguu na betti min, min njidi ko nodditen batu ngodngu, tawa min peewnitaniima jabbaade on no haanirta nii. Kaa doo haala firti ko be njabaani batu ngu, yoo been njah haa laawol godngol, nde been ngartata, tawa be paamii ko been njahata, be njaaboo dum. Ko duum, wadi so a dañii haaju e Fulbe, woto fuddoro noddude be e batu haa njottoro daa yontaabe maabe bee gooto gooto, teddiniraa be miijo ngo njiddaa hollitde batu ngu, haa be paama, be njaba walla be caloo. So be njabii maa be ndokke heen peeje moyye de ina coktan maa renndo ngo tawa aanndaano dum e nder renndo he. So be caliima ne maa be kolle ko hadata dum waawde wonde. So be njabii, maa be ndokke heen peeje moyye, de ina coktan maa renndo ngoo tawa a nanndaano dum e renndo ngo. So be caliima ne, maa be kolle ko hadata dum wonde.

So kilifa haali ko welaani be, e nder batu, so o ceerno, so o laamdo, be ndukataa, njaabotaako ko wordi, be ngummoroo seesa, be njahra gooto gooto, be njokka e haajuuji maabe. Ko kiliifa o yidi ko wadetaake, ko aani ko woppetaake, ko be ngoni ko waylotaako. So o nodditii be batu, be noototaako, so o ruttaaki e yidde welditde, e maabe, be nduttotaako.

Fulbe kuli tan ko gacce e baasal haa cikkaa ko malaykaaji binndooji gacce njoodii e balabe maabe.

Ko duum wadi, so gacce mawde njanii e gooto e maɓɓe, maa o naatii lesdi maa o yaltii leydi, kono a waawataa wuurde doon!

Ko duum wadi, so gacce ndookii be, be njeyaa pittaali maɓɓe, be coboo kaadeeki maayde burani be gacce.

Ko duum wadi ebe ndoga kala ko foodanta be gacce, be njidaa jalkiteede, be cuusaa koyeera, be njidaa famdineede, so a hoynii gooto e maɓɓe, a waasi dum, a waasi yidɓe mum.

Pullo nande biyum maayii e wolde, burani dum nande biyum dogii e wolde. Ko dum, wadi so Fulɓe naatii fitina, be pellitii haɓeede, be njaatirtaa caggal. No bone oo mawniri fof, ko noon be beydortoo suusde e saasde e soobaade e hare haa cikkaa maayde burani be nguurndam. So jaynge hare huɓɓii, njiyaa ebe mbaɗɗa adaa do kundude petelaaji aɓɓe buri sukkude haa be njaltira do maayɓe buri heewde, duum ne gooto e dental fof poti.

So gacce ndookii, be njeeyat pittaali maɓɓe, be cooda maayde wonndude e teddungal, be njalta aduna o tawa be naworaani jalol laakara. Hay gooto e maɓɓe alaa bernde jaɓɓe fooleede jebbiloo. So poolgu wadii, alaa e haɓooɓe be maayɗo, anndu hare nde gasaani.

Ko duum wadi, ko buri heewde e hareeji maɓɓe fof njoofata ko e maayde walla laamu heɣa heen.

Ina teskaa e denndeengal renndooji Fulɓe aɓɓe kulol reedu. Kulol reedu ko ayiiba mawɗo e renndo maɓɓe. Hay gooto e maɓɓe yidaa jibinde kulɗo reedu.

Teddungal

To bannge teddungal, Fulbe ko teddube, teddinoobe, weebbe dokkal e ñaamde. Be teddina be mbeltoo, be teddinee be kersa. E jiyde mabbe, teddungal ko fotde wadfiinde, nde tawaado e nokku wadanta tawdo dum oo ko aldaa e daminaade heen njobdi. Ko duum wadi pullo nanngata jawdi mum, hirsaa, ñaama tawa na ina weltii, ko nde dañi kodo mo horsini no feewi. Fulbe fof ina kawri e yidde gede tati e nder renndo mum en.

- 1) Yidde cuusal.
- 2) Yidde teddungal.
- 3) Yidde neddo jom yaage.

Musidbe teddube to bannge Misik:

Tesko, O pullo mo cifino-den ko deyyudo, deeydo, baawdo hedanaade kaaloowo mo haabataa, hay misik makko mo buri yidde ko misik deeydo.

Teeydo kedeteedo e deyyere gollondiroowo e hakkille, jahdoowo e miijo, dokkoowo neddo waawde miijitaade e yettude pellital hoore mum, so jabde so salaade.

Dii doo gaaci noddii ko hakkilantaagu, di noddani keewal yimbe. Sabu gooto na waawi naftoraade di, dental na waawi naftoraade di; Hoddu, Ñaanooru, Moolo, Sereendu, Baylol, Liital ekn.

So gaaci dii corii e nofru aadee, di mbaftina e yiiyam mum, di itta dum do wonnoo, di mbafta dum e goddum.

Nde wonnoo neddo tagaa ko e gede nayi (4) kimmude, Leydi, Ndiyam, Henndu, Jaynge.

So tawii misik o nde; o woni ko gooto e elemaaji 4 dii, ko e oon elemaa burata battinde e mum. So misik oo tawi ko henndu e jaynge jaalii e makko, taasiyon makko njabbat (bernde makko huyoo). So tawii o woni ko e leydi e ndiyam, taasiyon makko jippoto. Oon sahaa pellital makko fof jam wonata, ko deeyere burata jaalaade e makko.

So tawii ko kuutorde welnere mawde dee.

Yeru. Bawdi, Buubaa, Sabar, Bawdi ndiyam. Ko di bawdi renndoyanjooje mawdi.

So di ndillii, di noddata ko dental yimbe keewngal yoo ngar coftina terde mumen, di njejjitana dum mette mum e miiyoo mum. Kono di noddani joodaade na miiyoo saka jogoo pellital jabde walla salaade huunde.

Leyyi di pine mumen njahri e huutoraade dii doo bawdi mawdi, be njogii ko pellital dental, fotii ko jabde walla salaade.

So dental jabii gardo fof jabat hay so na boni. So dental saliima, gardo fof saloto hay so na moyyi.

Ko buri heewde, ko mawbe dowata dii doo renndooji. Jikkuuji mabbe burata abbitaade ko e naalanakaagu. Hay so heen neddo debii tinde ustaare, suddirta ustaare nde ko konngol payngol. O doo jikku noon, foti ko galo, baasdo, laamdo, ceerno fof ko gootum.

Tesko leyyi kuutortoodi gaaci cewdi di, yeru kolli e ñaañooji, been tindo heen ustaare fof timminirta golle mum ko badal mawngal.

Leyyi di kuutorde mawde yeru bawdi e buubaaji di, tindo ustaare fof timminirta hoore mum ko konngol buttol ñaayo.

Pinal Kodli

Ngal doo pinal kodli noon, hay so Fulbe pudɗaani pinal kodli e nder hiirnaange Afrik ne, anndu ɓe ɓooydii heen. Seede mum ko kala leñol ngol na huutoroo kodli e nder hiirnaange Afrik, ina hoda dii doo gaaci pulfuli.

Yeru, njaru, Saygalaare, Fantan, Poy, Sawta, Duga, Lagiya, Caanaandi goddi e goddi ina keewi.

Kala leñol e leyyi koddaadi di, seekii e dii doo gaaci, tufle de ina njahda e pine mum'en, e demde mum'en, ko aldaa e waylude innde leebol ngol. Kala gootol e dii doo gaaci ina jogii tufle keewde. Kala heen tufnde ina jogii gorko joom ñalaande, mo yejjittaake. Kala nde ngol hodi, innde makko innee; Ngal doo pinal kodli noon, Maasina ina jogii heen gedal mbaroodi; teenɗi e nder yonta 18–1960.

So hoddu hodii inna gooto e ɓee doo.

Silaamaka Yero Eeroo Daande e Pullooru ciftoree.

Gelaajo e Hamaa Aliseyni Gaakoy ciftoree.

Gelaajo Hambodeejo siftoree e nder Kunaari kesiri e kiiɗndi.

Buubu Ardo Galo e Buubu Jaaye siftoree.

Buubu Aawdi e Ali Aawdi ciftoree.

Bunngoowel Sammba Yaraa siftoree.

Maamuudu Nduuldi Bulkaasum to Haayre alumaana siftoree.

Duroowel baali buulo to jiboo siftoree.

Umaruwel Sammba Donnde to Bañnjagara siftoree.

Idiriisa woydi to seeno siftoree.

Sammba Gelaajo Jeegi to Fuuta tooro, oon woni Sammba Gelaajo Bookaar Sawa laamu Sire Yero Koli Tenjella Gedal Heedel Liige Bodewal Maakam.

Aamadu Sampoolle e Moodi Aali mo Aali Jawli to Mbaal Alfaa Yahyaa Jallo to Labe e Bookaar Biro Amaani Sakitoro e Fuuta Jalonj.

Muusaa Moolo to Fuladu

Ebe keewi no hudo ndunngu, limdo fof juuma, hodoobe kolli na ñallude nduwanaaki be, kono be mbaawaa ñallude be innaani gooto e bee doo, gasataa wonde.

Diine

Diine ina jeyaa e pine pulaagu booyde gila Fulbe peeni to dunuyaa faade hannde, be meedaani seertude e diine. Be ngadii anndireede ko rewoobe diine naange, oon ko e diineeji booydi jeyaa. Peeñgol makko, ina hoddiree 8000 kitaale ko adii jibineede lisaa.

Leyyi keewdi askitintoodi e dunuyaa ndewiino oon diine.

Ko diin ngoni; Drawidi en to Hinndi, Fulbe e Ejipsiyen adiibe, Ecoppiyanjkoobe e Yamaniyanjkoobe. Bur'aana haalii oo doo diine.

Fillaaji booydi na mbiya, Oo doo diine fawii ko e fiinde nde maamiraafe adiibe pibondirnoo e geno e dow haramееji jeedidi (7), woni gede jeedidi (7) so be ngoppiide Alla leebtataa be, hoynataa be aduna e laakara, e dow ebe

njuula e pudal naange e mutal mum, hitaande fof ebe
koora balde capande nayi (40). Fiɓnde nde woni:

Min penataa

Min kulataa

Min tooñataa

Min ngujjataa

Min njamfotaako

Min ngoopataa

Min tay'ataa endam.

So e mo juula, yoo o hofu kolli makko dii fof heddo
sibitinndu ndu tan. Sabu ko nduun tan dadol mum
jokkondiri e dadol bernde.

Jabɓordi naange saanga pudal.

Buudal yurmeende fudii e binnde geno.

Yoo jam ñallu haa ɗo ciiñsiiñdi maa kaadi.

Jawdi e besngu na sarii e ladde yoo yitere maa reen.

Kala ko njiddaa, min coodtirii dum biigi e dimaadi e yiiyam
sagataabe.

E min keddii e fiɓnde ma min piɓtataa.

Min penataa.

Min kulataa.

Min tooñataa.

Min ngujjataa.

Min njamfotaako.

Min ngooptaa.

Min tay'ataa endam.

Kala ko dañaa, ko ko renndaa.

Yoo jam ñallu haa do ciiñsiiñyi maa kaadi.
Aamiin

So Naange Yellitiima e hoore

Buudal yurmeende, a toowi, a seniima, a laatiima kalaldi
binnde e hakkunde tagooje.

ʼBure maa limotaako.

A yalnaniima binnde.

A finndinii nguurndam e nder aaludere mum fenndiinde..

A softinii tagooje.

E min keddii e fiɓnde maa min piɓtataa.

Min penataa.

Min kulataa.

Min tooñataa.

Min ngujjataa.

Min njamfotaako.

Min ngooptaa.

Min tayataa endam.

Kala ko dañaa, ko ko renndaa.

Yoo jam ñallu haa do ciiñsiiñyi maa kaadi.

Aamiin

Duusirbi Naange

Buudal yurmeende

A wayniima e jiyɗe amen.

A diyii e niɓɓe mbewru caggal adunaaji.

Jam caggal maa
E min keddii e fiɓnde geno, min piɓtataa.
Min penataa.
Min kulataa.
Min tooñataa.
Min ngujjataa.
Min jamfotaako.
Min ngooptaa.
Min tay'ataa endam.
Kala ko dañaa, ko ko renndaa.
Yoo jam waal wuro e ladde.
Yoo gilli e weltaare mbaal e ɓerde.
Aamiin

Jamma a Jofii.

Niɓɓe curii gite.
Binnde njofii.
Pittaali njebbilanii doyngol.
Yoo a suddu min wibjo kisal.
Min keddoo e ndeenka geno, mo yitere mum ɲonɗaa,
ɗaanotaako.
E min padi e buulol ndoogu ma, kuuñoowol niɓɓe jalbina
binndi, finndina nguurndam e nder Aaludere mum.
Ko aan duumii, aan saasi, godɗo e godɗum alaa.
Aamiin

Musidɓe am tedduɓe, o Pullo mo cifiɗo-ɗen to fudɗoode
yeewtere men, wonde ko o teskotoodo, juumtuɗo hakkille,

luggitɗo miijooji, ko o leyɗii o faaytataa, ko o yiy o yejjittaa, tee so yontaani haalde o haalataa ko o yiynoo wolla ko o nannoo. Ɗii doo teskuyaaji, na ndokki Fulɓe reende ko heewi e siriluuji nguurndam.

Ko duum jibini ko heewi e gannde maɓɓe ɗe ɓe mbiyata gannde ɓaleeɓe. Maa en ndokku doo yeru e toɓɓe nayi ceerde e nguurndam.

1– Ɓe teskiima joomiraado tedduɗo toowɗo oo na waɗani nguurndam aadee doosɗe jeedidi kimmude.

Kaɓje fof ɗe njooportee ko (nge).

Heen tati ɓurɗe mawnude ɗe ko tagooje ɗee fof ndenndi ɗe.

Naange, Heege, Tooɓanngɗe.

Nayi keddiide ɗee ko aadee heerorii naftoraade ɗe.

Jaynge (yiite), Yanngɗe, Liige e Nagge.

Ɗee doo gede jeedidi, gila aadee yiyti huutoraade woppaani.

Ɓe teskii kadi, geno fiɓaniino maamiraabe maɓɓe adinoobe, fiɓnde e dow nde ɓe ngoppata gede jeedidi bonɗe, kaɓje ngoni ɓabbuuji piɗtaali kisdɗo e majji fof hisii, kaɓje ngoni; Min Penataa, Min Kulataa, Min Tooɓataa, Min Ngujjataa, Njamfotaako, Ngoopataa, Tayataa endam.

Fulɓe ko yimɓe teskotoobe yuumtuɓe hakkillaaɗi naage jeedidi jooporde nge. Ɓe teskii endi nayi nagge ɗii ndokkata e ngaabɗi, leeɓi kodli nayi ɗii no ngollondirta e aadee tammɓiide jikku aadee.

Gede nayi gonɗe e nder ngonkaaɗi aadee.

Kadi ɓe teskii endi nagge.

So nagge duñii haa hebbinii, enndu heen fof na roondanii biɗɗo o ngaabdi mum bannge ko jiidaa e endi goddi dii.

Heen enndu wooturu ndu wadi ko kosam (ndiyam) so gool jibinaama fuddoriima muynude e nduun enndu, o wuurat juuta balde, barkina wada nafoore.

Heen enndu wooturu, wadi ko yiiyam (jaynge), so gool jibinaama fuddoriima muynude e nduun enndu, battane mum fof ko hirseede, teewu magge ñaamete nge jiibataa abada.

Heen enndu wooturu wadi ko leydi. So gool fuddoriima muynude e nduun enndu, juuti balde ne teewu mum ñaametaake yanoyta ko e ngaska maaya toon.

Heen enndu wooturu wadi ko henndu. So gool fuddoriima muynude e nduun enndu baɗtane fof oon gool majjat, maaya e ladde, kadi nge jibintaa e ndeen jofnde, duum firti ko nge alaa barke.

BURGAL

Ko e pine Fulɓe ɓooyɗe jeyaa. Be mbiyi burgal yarnata ko semmbe Joomiraado.

Hoore burgal nde feccaa ko peece nayi. Heen peecal yarnata ko Al arsi, ngala ko kuursiiwu, ngala ko Alluwal Joomiraado, ngala ko kudol binndowol hoddiro ngol.

Ngala koñ diɗoñ paleteekoñ heen koñ, njarnata ko leydi e ndiyam henndu e jaynge, so dee doo kala kawrii haa burgal ngal feewii, ngal yarna semmbe Joomiraado e yurmeende mum.

Ko duum wadi pulaagu fof ina hormii burgal, 6e nanngiri dum ko huunde seniinde. Duum wadi burgal fotaani fijireede, junnittaake so wonaa e kosam, wurwetaake e ndiyam, wurwetaake e henndu, lalnetaake e leydi, so wurwiraama baarete walla disee. Hanke so dewgal humaama, jombaajo gorko oo jogotoo ko burgal, ngal fiilee e ñaañe jombaajo debbo oo, ngal disee wutaandu wolla sammeere ngam hollude dewgal ngal wadaa ko e yamiroore Alla, ñaañe dee kolli ko dewgal ngal, sammeere ndee wolla wutaandu nduu holli ko nguura. Fulbe ina njogii teskuyaaji keewdi e burgal. Burgal ina naftoree, tee kala ko enndaa heen Joomiraado jabanatbe.

So debbo sadtiraama jibingol ina wallitoroo burgal, hoore maggal ina tuggee e reedu hee e mo boostoroo ngal mbela Alla na newna jibingol ngol. Ina hasii Alla newna jibingol ngol.

Cukalel so jibinaama fukaama ndoondi addee gallaadi burgal ndiidee e tiinde cukalel ngel ngam ndeenka Alla e maggel.

Yumma oo haaba mbiifu horde e tiinde tawa na wadaa doryi doryi di njoopotoo ko ciinsiñaaji naange, ngam siftinde omo heddii e fiinde Alla (Geno) e gallaadi burgal e tiinde yumma oo.

Debbo goofiido jogoto burgal, jamma e ñalawma kala nde e mo yalta suudu ndu, so omo doon burgal ngal faletee ko e hoore tiggu hee.

Njulli so yaltii woni burlol so tawii ko biy ardo ina jogoo burgal fotde yontere.

Jommbaajo gorko ina jogoo burgal piilangal kodol e ngal disee wutaandu e labi e nagge commbe, (galol) ngal fiilee falla ngam waasa saamde.

So Fulbe naatii wolde hulbiniinde, anndube be na kuutoroo burgal, be ngurwirangal e kosam mbaɗaɗam lekki, ngam anndude no hare ndee yahrata, mbela maaɓe pool walla be poolete....

So Asamaan na diira kartaali mawɗi, so be paayii rewbe na kippita pedane dee fof...be ɗisa burgal ngal dow suudu, ngal junnitoo hoore ndee huccita les jiima e pedane ɗe to wodɗi.

Ina teskaa ko be kuli fof, manaango yanataa e dow oon nokku.

So yiiwoonde sitii be kippa pedane ɗe, be mbaklita burgal ngal hooynoo.

Dendiraagal

Dendiraagal e nder renndo pulaagu.

Enen fof eden nganndi dendiraagal jeyaa ko e pine hiirnaange Afrik.

Kono hay so Fulbe puddaani dendiraagal ne, anndu be booyii heen, te be njaajniingal e nder hiirnaange Afrik...Be cañi dendiraagal e nder renndo maɓbe haa ngo hiɓbi.

Be njogii heen ko leyɣi e mbaydiiji di ina ndokka be waawde yottaade e kala neddo ko aldaa e yeewde duubi makko foti ko suka walla ko o mawdo walla yeewde teddungal makko do darii e renndo so o ceerno walla so o laamdo. Dendiraagal ina tayi dii doo keeri renndo. Kadi ceerno o e laamdo o, e mawdo o debbo e gorko o, kambe fof poti e yidde e hormaade dendiraagal.

Ko duum wadi, dendiraagal ko doosbe tammibiide kisal renndo, paddotoode fitinaaji, mbela ngonndiigu e koddiigu, foti ko nder galle walla ko wuro walla diiwaan walla hakkunde leyɣi koddudi. Njuɓɓudi dendiraagal ina jogii keeri e ñaawooje de ina njuɓɓina ngonndiigu renndo wonaa ko welmaa fof mbiyaa walla mbadaa dende.

Dii doo ko e leyɣi dendiraagal njeyaa:

1–Dendiraagal neddo e biy kaawu mum

2–Dendiraagal jettoode

3–Dendiraagal kinde

Yeru: Dendiraagal kinde Fulbe.

Aynooɓe e jaawanɓe

Jenngelɓe e Haaboɓe

Rajaaɓe e Jaawɓe

Sannaraaɓe e Pammбинаaɓe.

Wayluɓe e lawɓe.

Maabuɓe e Salsalɓe

Dendiraagal diiwanuuji.

Yeru; Yirlaabe e Boosoyaaɓe.

Hakkunde Gimmballa e Maasina.

Hakkunde Kunaari e Gimmballa.

Ɓe mbaɗii yanooji godɗi belɗi ɗi mbiyaaka dendiraagal.

Yeru: Hakkunde Maamiraado e Taaniraado

Nedɗo e Yeeki mum

Nedɗo e Keyni mum

**Nedɗo e giyi mum haa yottii yumma mum e Baaba mum
giyi mum.**

**Nedɗo e dewiido mum, dow e les haa e biɗɓe dewiro
mum.**

Dum doo fof ko e leyɗi dendiraagal men.

**Fulɓe ɓe nawi dendiraagal ngal haa ɓenni keerol leñol
ngol, fa'de e leyɗi godɗi koddaadi ɗii, mbele eɓe
nguurda e moyɗere e kisal tawa eɓe paddoroo
dendiraagal ngal fitina hakkunde leyɗi guurdudi ɗii.**

**Fulɓe ina piɓondiri dendiraagal e dendiraagal kinde
fitiram golleeɓe e nder leyɗi godɗi koddaadi.**

Yeru: Wayluɓe e Sakkeeɓe.

**Ɓe piɓondiri dendiraagal e leyɗi keewɗi e nder hirnaange
Afrik tawi ne ko fiɓnde tiidnde.**

Dendiraagal Fulɓe e Jaawaraŋkooɓe

1 Fulɓe e Jaawaraŋkooɓe Kaaguraŋkooɓe

2 “ “ Seereraabe

3 “ “ Kaasaŋkooɓe

4 “ “ Baynuŋkooɓe

5 “ “ Jaakankooɓe

- 6 “ “ Saamoko
- 7 “ “ Borno
- 8 “ “ Jakuba
- 9 “ “ Gurmanjkoobe
- 10 “ “ Booboobe

Leyyi goddi koddadi.

Bete

Baawulee

JakanooBe

Mawri

Sooso

Temene

Be teskii Sooninjkoobe ko maamiraaBe maBBe.

Keeri e ñaawooje dendiraagal

1 Dendiraagal yiiyam woni neddo e biy kaawu mum.

1-1 Ebe njanondira ebe yattondira, kono be kudonditaa be kabataa, be ndufondirtaa yiiyam.

1-2 Neddo na semmba (ñuuna) biy kaawu mum kono nanngataa mo saali. Sabu saali ko dendiraado yettoode jeyi...wolla dendiraado hinde wolla leñol.

1-3 Neddo libataa biy gorgol mum, so o libaama, o saloo ummaade haa o hokkee huunde.

1-4 Ko biy kaawu o woni laamdo.

2 Dendiraagal jettoode

- 2-1 Dendiraagal jettoode ina nanngondira saali.
 - 2-2 Won heen ko yettoode wootere tan nanngata saali. Yeru ko jallube tan e ko yalti e mum'en nanngata Bahbahbe.
 - 2-3 Won heen wootere fof ina nannga godde dee.
 - 2-4 Dendiraagal kinde jiidude leñol...ede njanondira doon haadi.
 - 2-5 Dendiraagal kinde jiidude leñol, ko yano won heen de nanngondira saali.
 - 2-6 Dendiraagal hinde e leñol godngol de njanondira
 - 2-7 Dendiraagal saali be kabataa.
- Dendiraagal ko e njuɓɓudi renndooji hirnaange Afrik jeyaa. Njuɓɓudi ndii ina jogii keeri e ñaawooje wonaa tan ko welmaa fof mbiyaa walla mbadaa dende.

3 Ko adii fof dendiraagal na feccoo pecce jeedidi (7)

- 1- Dendiraagal neddo e biy kaawu mum
- 2- Dendiraagal jettoode.
- 3- Dendiraagal kinde jiidude leñol
- 4- Dendiraagal kinde de jiidaa leñol
- 5- Dendiraagal hinde leñol e godngol
- 6- Dendiraagal Fulbe e kinde fitram golle en
- 7- Dendiraagal diiwanuuji
- 8- Dendiraagal hakkunde leyɗi

4 Yanooji beldi di mbiyataa dendiraagal

- 1- Hakkunde neddo e taani mum

2– Hakkunde neddo e dewiro mum
 3– Hakkunde neddo keyni mum
 4– Hakkunde neddo e yeekiraado mum
 5– Hakkunde neddo e giyi mum
 6– Hakkunde neddo biy dewiro mum
 7– Hakkunde Fulbe e saaniŋkoobe
 Hakkunde Fulbe e saaniŋkoobe, ko yano welngo ngo alaa
 fitina hakkunde kaaw e maama. Jettoode Jaawanbe.

5 Doo e Senegaal.

Doo e Senegaal jettoode jeenayi (9) laaftude na ngoodi, kañje ngoni.

- 1– Laah = Laah tammabaa jeere
- 2– Bookum = Bookum Muraadu
- 3– Daf = Dafe
- 4– Ñaan = Ñaanaadu = 6e mbiya Ñanaade mbaawndi
- 5– Njiim
- 6– Njaade
- 7– Kaam
- 8– Saam
- 9– Basum

Jettoode Jaawanbe godde taweteede Mali de ngalaa e Senegaal to lasli.

- 1– Karañara
- 2– Yaraa nanngaare
- 3– Yatasaay
- 4– Galfaa
- 5– Bammbooli

6– Dembak

7– Baccili

To bannge dendiraagal ma66e.

Bookum e Daf

Laah e Ñaan Ñaandu

Basum e Saam

Njiim e Soh

Tesko: Safal6e harman6oo6e yettete6e Aameyti 6ee ko dendiraabe Jaawan6e fof. Ko Harman6oo6e 6ee nanngata Jaawan6e 6ee saali. Jaawan6e e Ful6e ko dendiraabe hudondiroo6e.

Jettoode jaltude e yettoode Bah

Bah, Baalnde, Baalo, Mbaalo, Baal, Boli, Wat, Mbakke, Buso, Ñan, Sal, Jakitee, Lam, Laam, Baabii, Baabu, Yaal, Buwaaro, Kelli, Daat, Dem, Deh, Gaajigo.

Jettoode jaltude e yettoode JALLO

Jallo, Jal, Wele, Kah, Kan, Kanndee, Hoot, Seeloo, Woon, Jah, Jaawo, Jaamaka, Jaawara, Jaak, Jaako Jum.

Jettoode jaltude e yettoode SOH

Soh, Sidibee, Njaac, Wañ, Sook, Soggo, Ngam, Ndonngo.

Jettoode jaltude e yettoode BARI

Bari, San6aree, Baro, Wañ.

Jettoode law6e ko joyi (5) kañje ngoni.

Soh, Wañ, Jum, Kebe, Gaajigo. Dee 6oo jettoode ina nduttoo e jettoode nayi (4) maw6e 6ee.

1 – Soh ndeen waylaaki

2 – Wañ woni Bari

3 – Gaajigo woni Bah

4 – Jum woni Jallo

**Lawbe mbiyi: Kebe naatiribe ko dewol yettoode. Gajaaga
feeñi ko e Bawol.**

Une brève discussion sur les origines de Pulaagu parmi les Peuls, présentée par “Tabital Pulaagu”

Yero Dooro Diallo, chercheur, écrivain, homme de paix et de dialogue, il a beaucoup fait pour renforcer et encourager la culture Peul.

Yero Dooro Jallo, neddo gittudo, widtiyanke, gorko newiido kaaldiijo, o haɓtaniima leñol makko ko heewi e fina-tawaa.